


T5409/2526 b(2)

解文毅公集



解文毅公集卷三

四言古

解氏世系歌

悠悠我祖系出平陽後徙鴈門累葉重光迄於退  
翁李唐進士諱隱官蘄德遠其子作刺吉州因家  
於此肅宗之初世亂未靖同水臻善南山形勝鷓  
鴒迹符胥宇延慶禹字德遠生幹宏材參軍武衛  
兄弟鼎台軒字德興貞白賜謚進士兼善從美其  
諱金吾僕射一門皆貴桓桓世隆自西徂東建第  
營寨吉陽肇封力走黃巢退不言功子弼舉謨吳



加尚書吳唐叔世家襲紫朱文燦麗正儒將知兵  
保身亢宗迓宋之平希孟伯軻魁名天聖生安及  
定吉甫彥聖熙寧進士吉甫參軍五子文儒持國  
尤醇千齡千秋必達必文敬之諱寅世精典墳五  
世辟雍世亦罕同篤於生春漕魁神童進士選川  
其字厚甫龍翔天飛纂圖序譜莊山上舍忠抗姦  
權辰峰典教德擬平園竹梧死節光於信史二妙  
同升人謂有子家君壽考訓我奉先拜手陳詩幾  
千萬年

五言古

題吳山伍子胥廟

朝驅下越阪夕飯當吳門停車弔古跡靄靄林烟  
昏青山海上來勢若游龍奔星臨斗牛域氣與東  
南吞九州排怒濤壯哉天地根落日見海色長風  
捲浮雲山椒戴遺祠興廢今猶存香殘弔木客樹  
古哀清猿我來久沉抱重此英烈魂吁嗟髑髏鋒  
寘爾國士寃我我姑蘇臺荆棘曉露繁深宮麋鹿  
游此事誰能論因之毛髮豎落葉秋紛紛

過曲江謁張九齡祠

停舟曲江滸弔古謁遺祠偉哉始興公遺澤芬在

解文苑公集 卷三  
斯堂傾風雨萃碑斷苔蘚滋芳春莫行旅落日歸  
文狸唐宮甘無事衡鑑良獨持弼諧展嘉猷謹論  
非詭隨雖雖朝陽鳳祭祭補袞絲側聞卧病沒九  
廟烟塵飛漁陽突騎來中華震鼓輦壯哉砥柱功  
用舍共安危昭陵鐵馬空仙李祚久移惟聞蘭菊  
在千秋恒若茲我來薦微誠再拜當前墀顧瞻相  
貌間丰度猶可師武溪何淵淵芙蓉亦巍巍只今  
相業隆就與前修期臨風一長嘯山雨來霏霏

題胡忠簡公敕書

渡江炎德衰顛倒由奸檜胡公進謹言直欲掃蕭

艾居然新州謫名震天壤內恢復事已非能保清  
淨退孝皇眷先臣拔擢起滯廢羽儀廊廟間議論  
尤正大邱園將佚老耿耿丹心在耆朋既凋謝一  
札重恩賚矯首仰乾淳芳輜傳異代龍章儼如新  
字畫有餘態前修不可作展卷一長喟

謁青陽公祠

維舟大江滸西登皖城隅遐思浩無際懷古在跼  
蹐桓桓青陽公忠節溢寰區堅軍守茲壘七載枕  
戈爰上書久不報援絕形勢孤全家俱守死取義  
捐厥軀時去事已往令名天壤俱入祠拜英姿靈

解文毅公集 卷三  
爽猶儼如褒封顯幽憤廟食揚休都起敬仰餘烈  
臨風發長吁媿美巡與遠偉哉皆丈夫

墨菊

春苗茁芳露貞脆無異姿濯濯等鮮妍猗猗競華  
滋秋風颯然至殞落紛蓬茨獨茲異衆艸烈士當  
艱危佳色不爲艷貞心常自持稟性夙已定造化  
無容私

題杏林精舍圖

岐黃去我久世情恒忌醫所以盧扁傳韞光隱蓬  
茨我愛東垣公著述無瑕疵逝將有知己千載能

求師廬陵市闐闐同姓業在茲翩翩去炎熱寂寞  
山水涯再傳志隱逸湖海自遊嬉環州結精舍種  
杏成陰翳開花二三月遶天紅雨垂勃如頰霞爛  
郁若雲離披朱實破綠葉金丸墜春泥未有馴虎  
異林密衆鳥棲鳥喧景益靜坐起無愁思疾有不  
諱者問藥施與之歲久功益茂孚信理不疑悠然  
順造物自詠精舍詩采椽無夢寐藻稅非所宜戶  
牖洞虛敞軒楹直無欹此居成豁達足與明軒岐  
我家文水上爽塏頗自怡倦遊二十載會有歸來  
時醫書亦通曉杏樹陰成帷斯民濟仁壽皞皞同

雍熙環州許來往共享黃髮期

送劉日昇南遊

楓落字江雲霜侵寒夜月飄飄劉貞長揮手捐佩  
玦鴻瑤篋中書久作紅爐雪近別心已遙遐思幾  
時輟明明空前鏡照見絲與髮子行勿遲留出門  
志已豁人心不如鏡對面異燕越佩玦無用捐贈  
以雙巨闕

西行寄同鄉諸友

昔與六七友頡頏麗江鄉上泝濂與洛下俯班與  
揚齊聲逞逸翮萬里雲中翔都俞冀稷契熙皞窺

虞唐未重閭里選誓作邦家光榮名各忝竊進退  
齊軒昂周子最英特雄劍白有芒春秋六經學明  
月抱文章上下數千載歷歷陳興亡劉君事高節  
友誼金玉相輕財好結客慷慨非猖狂落落遂寡  
合悲風激清霜於中獨步者江夏真無雙總角貫  
經史下筆殊輝煌錯落燦星斗翻騰倒湖江典章  
夙所習不愧瓊與香風波蕩萍梗各在天一方十  
年屢屈指會晤不可常死生遂契濶悲痛切中腸  
緬懷鬻熊后喧嘲孤鳳凰飲啄既孔時讙讙出扶  
桑安定得吾弟接翅迎朝陽我行忽萬里飄飄在

河湟嚴親且百歲慈母事未襄仰天指日哭淚若  
東海洋雞鳴引霜角羞逐奴輩行積雪照夜白羈  
孤轉淒涼侏儻邇羗羯被服馬與羊平波漉如頰  
烏鼠凌蒼蒼人掘得鼠者此烏悲傍徨神哉斯怪  
異稽首夏禹王禹功遍安豐此土功最詳我欲事  
著述有筆長如扛鬼神或呵護金石猶鏗鏘秋成  
買寶笈持以獻吾皇

南行寄友

結髮事明主摛文翔鳳池載筆侍帷幄衣繡當前  
墀煌煌沐恩眷覲省歸廷闈十年遭運否河隴孤

棲遲東還未展翮一麾復南馳時來過鄉郡訪舊  
同遨嬉留連接歡宴不忍暫相違稚子知我去寤  
寐牽裳衣小妾中夜泣爲言歸何時丈夫志四方  
離別何足悲今逢天子聖底定如京圻多才實濟  
濟中外羅星棊治效日熙皞斯民信無爲自當安  
蹇拙守此年命竒聖恩喜謝事樂矣不復疑壺觴  
集羣彥遲我從南歸

題畫

春陽忽將違紅芳坐來歇山深雲木稠流水鳴鳴  
咽樓觀隱空青幽人息環轍望來不可親未得與



世別

夏雲斂虛壑輕颺散林垆  
袒息坐幽宇曾無塵事  
櫻磴泉響非聒聊且均  
凡情騏驥甘伏櫪飼秣便  
清冷物情已俱逸樵路無商聲

秋山風露寒林莽忽摧落  
山家樂餘暇賓客時剝  
啄開門掃敗葉隔屋供醴酪  
忘情係城府野興轉  
淳朴白雲淡無心紅樹相羅絡  
山僧亦忘機逍遙  
俯虛壑此景良已佳何用翔寥廓

冬嶺森瑤林積雪縞絕壁  
天飛失孤鳥萬境歸一  
寂何物行路人旅騎猶歷歷  
天高人事異長途未

遑息獨有高居朋綸巾座  
方適幽觀失歡喜感遇  
相勞逸孤舟盡日橫桂楫  
空倚石立待東方暎迢  
遙思無極

解文毅公集卷三終

解文毅公集卷四

七言古

題文文山上巳詩後

崖山雲寒海舟覆六載孤臣老燕獄東風杜宇三  
月三五陵望斷春蕪綠墨花皇皇五十六寫出江  
南愁萬斛當時下筆眼如虎日落天低鬼神哭揚  
帆昔走儀真船手持鰲柱擎南天間關嶺海血灑  
檝回首家國隨飛烟六宮粉黛黃埃裏漢火無光  
吹不起全軀肯學褚淵生嚼舌甘爲杲卿死薊門  
草碧春淒淒高官不換西山薇哀吟一曲肝腸裂

勁氣萬丈蛟龍飛當年恨殺葛嶺賊恨不剗心食  
肉血堂堂忠義行宇宙白日青天照遺墨落花寒  
食風雨時展卷如對虎龍姿再拜酹公金屈卮有  
酒不讀蘭亭詩

題趙文敏杜陵戴笠圖

碧雞坊裏春風顛浣花溪邊晴日暄浩歌一曲花  
弄影慷慨不及開元前飯顆山頭憶相見歷下新  
亭舊時面吟詩未遣髭鬚愁愁絕邊塵暗河縣平  
生落筆五嶽搖調笑不作兒女嬌錦袍仙人伯仲  
耳孰謂有作徒相嘲詩卷長留而不減玉顏癯骨

俱清絕萬古詩人照膽寒松柏蒼然傲冰雪吳興  
公子真天人落影自與韓衆親新圖古色照秋水  
如此子美方逼真槎翁老仙我所敬十年寤寐遊  
珠林新詩墨妙聚片紙令我觀之諧夙心嗟余豈  
是諸公徒青天空行一字無紛紛餘子風斯下獨  
立惟見明星孤吁嗟杜陵馬可呼

題陳所翁畫龍

海潮怒捲天風急白浪嗟峨雪山立老龍戲浪蛟  
蜃隨爪甲盡帶烟雲濕古來畫者誰最工神妙獨  
有陳所翁嗟哉此圖多變化雷雨淋漓筆鋒下興

來展卷爲君題不數僧繇擅高價

吳山書舍詩

天開象緯日與星地靈川嶽萬彙形義書奎畫河  
圖呈萬世照耀傳六經賢傳羽翼衆喙鳴博通貫  
一量重輕譬猶作室矩度程羣材咸萃無竒羸曲  
可使直陂可平指顧左右集大成吳山屹立太古  
清書舍臨高踈牖櫺紫雲紅霧棲前楹萬家玉樹  
森在庭牙籤歷歷黃金滕萬軸架插明星熒斗牛  
午夜虹光傾天官早歲嘗躬耕養志餘力篝火燈  
布帷黝黑積暈成秋囊或貯山下螢有草如帶似

堯莫隱德自足通山靈時來九萬隨風鵬橋門壁  
水揚華英鐵冠珥筆朝承明繡衣持斧白玉京從  
龍天飛掌銓衡春官侍從鴛鴦停乃知讀書助修  
能萬事轉圜無滯凝他年有待懸車榮錦袍山下  
濯冠纓買舟相送試一登吳中俊彥來相迎歡呼  
共覩賢公卿鄉人子弟傳頌聲重作吳山書舍銘  
爲羅御史賦葵軒

御史羅公玉色竒示我葵軒之好詩種葵遶軒花  
匝地心與赤日同光儀錢塘本是繁華縣羅公猶  
有葵花羨嬌癡不恃兒女憐獨與太陽看正面金

解元公集 卷四 三  
雞飛上扶桑紅湛露沾衣吹紫茸霞盞金盤日初  
上錦袍赤芾大星東須臾拜罷看重瞳火龍已駕  
青天中不欹不側甚正直開口論事丹心同晚風  
吹天翠蓋偃濟濟重臣皆蹇蹇戟手辛毗欲引裾  
毅色班姬正辭輦少年看花當作詩未覺造化如  
此奇暑雨移根補芳榭秋風折朶寄天涯惆悵相  
逢北闕下爲言舊宅多瀟灑開軒雲影八窗流閉  
戶風泉兩楹瀉是時讀書奉母慈名軒已有青雲  
期忽來移栽九天上誓與皎日明相隨舊宅又如  
官舍好醴泉甘露生朱草葵性年年似舊時綠衣

換得斑衣早會看驄馬晝遊歸故園葵色生光輝

題劉于京行樂圖

劉郎不是尋常者風流肯在他人下手中綰着青  
絲韁街頭走跨青驄馬狎兒挾彈黃金丸劉郎坐  
據黃金鞍趲新衫子青瀝瀝細膩棕粒光團團焦  
桐藏在紫錦囊袖得玉怕花羅香回頭一顧二三  
子含嬌含態變鳴璫劉郎半掩東風面桃花上臉  
阿堵光人生行樂須及時河沙草綠驄馬肥草頭  
露晞君始出花梢月上君未歸門前曲巷新甃玉  
家有黃金無不足子孫孫子滿眼前如葉如花千

萬斛

題龍山李氏行樂圖

金陵客舍驚秋早故舊相逢即傾倒未詢市上新  
富兒且訪山中舊遺老李君自昔稱文儒雙瞳炯  
炯長髭鬚石田茆屋堪爲記流水飛雲山自娛閑  
來乘興無遠邇竹杖芒鞋隨去止世人笑咤任紛  
紛榮辱升沉同逝水別來五載未承顏幾回清夢  
到柴關借問君今年幾十龐眉鶴髮顏如丹有時  
高齋成獨坐心事悠悠忘物我秋風吹老澗邊薇  
寒禽嘒熟庭前果開壺與客更忘懷天然之樂誰

相猜盃中綠酒經年熟几上朱絃舊日諧豪歌大  
醉便起舞華月窓前夜當午大兒三十喜延賢小  
孫七歲能獵古知爾幽居樂更多渭川盤谷豈能  
過或從仙洞騎黃鶴每倚池亭看白鵝嗟予少小  
慕芳躅亦欲相從結茅屋禁林空忝受君恩爲賦  
新詩在空谷

聽琴歌

有美人兮彈素琴天風落指生徽音大絃泠泠小  
絃作九皐彷彿聞啾鶴初擬石間瀉出泉又似松  
飈鳴萬壑有時雪裡對玉梅還將三弄相裊裊數

行吹度聽不見捲入仙闕金銀臺仙人聞之應嘆  
息乘雲便欲來相識手持一束白鸞紙與君掃却  
瑤壇石請君便彈天上譜天香滿袖天花舞歸來  
不記海生田世事淒涼半塵土殷勤便待人間曲  
清韻琳瑯少能續市橋太守那得知時時擊碎崑  
山玉

題萬竿烟雨圖

高君豪氣如長虹揮手畫竹如畫龍烟雲卷舒白  
日動霧雨變化當晴空長林倏忽千萬壘尺紙搖  
撼銀河通荆揚山開洞庭拆宇宙颯颯生涼風縱

觀未辨節與葉脫畧形似超凡庸畫名書法兩不  
論筆墨之外疑天工爲愛夏官少司馬極口稱道  
不覺言詞重便將妙墨等淇澳傳播四海來詩筒  
大篇短章悉絕好金宣玉振歌舂容此君心事比  
造化豈大聲色驚盲聾誓將松檜歷冰雪笑拂蔓  
草紛青紅夏官尚書更瀟灑邀我賦詠無雷同太  
平達官賸閒暇幾欲徑造軒窗中推窓見畫猶見  
竹燒筍作飯疇能供擊鮮醞酒集佳客爲奏流水  
朱絲桐劇談古今合風雅俛仰賢聖追冥鴻萬竿  
烟雨坐來霽共聽彩鳳聲嚶嚶

題龍門行樂圖

龍門山高插天起龍門水深見底大風吼雪翻  
銀濤天上火雲燒赤尾東連螺浦西釣臺三十六  
灣相縈迴白晝彷彿號春雷怪石如龍雲作堆南  
陽公子好瀟灑行樂向此龍門下錦囊繡袂綠瑤  
琴紫裘烏帽玉驄馬有時躋險躡崔嵬洞觀波浪  
胸懷開小姑二山不盈尺鄱陽一水大如盃興來  
長嘯山下去自覺精華與神遇酒酣握筆賦歸歎  
颯沓吟箋有神助信知出處非尋常九苞之鳳巢  
梧崗天子龍門異巖穴何日攜手入廟廊

春萱堂

越州孝子事行役綵侍潘輿映朝日歲時力作禾  
黍登昕夕承顏起居吉薰風種得萱草花北堂宴  
坐觴流霞人間五鼎未足羨世上浮名徒自誇雍  
雍琴瑟既在御嘒嘒塤箎亦相遞四時樂事滿庭  
闈一點閒愁無夢寐人言萱草解忘憂不知和氣  
能相求若將陟岵興哀嘆得見宜男應更愁信知  
草木有同味薰蕕自古難同器屈生蕙茝落沅湘  
謝氏芝蘭長庭砌越州孝子獨苦心二親存歿思  
慕深生祥下瑞無休日孫子繩繩嗣好音



筠窓讀易

我家鑑湖山水僻七百年來讀周易化龍江上棲  
鳳林雲淡風暄奏金石後來端簡白玉堂鸞坡萬  
竹聽鸞鳳著草叢生紫雲擁龜文落籀占星芒君  
家亦在歐鄉住藜燄光輝舊遊處深叢密篠映河  
圖人在筠窗淡思慮秋宵露華滴蕊珠涼月正照  
窓中書研朱和露畫竒偶轆轤造化論錙銖與君  
相見應明年細論一畫羲皇前變易不易乃易理  
孔聖晚歲親韋編淡泊誰能味元酒希聲雅奏難  
爲傳高攀璿璣飲玉醴醉倒宇宙空中船希夷歌

詩念舊隱陶令作賦思歸田筠兮筠兮有生意春  
雨一夕龍騰天

送曾仲浚歸任海州

吉州屬邑雄西昌龍河武姥青玉光霸先城頭霧  
氣紫山谷祠下洪流瀧黃頭將軍擊妖賊萬鼓天  
齊響橋側至今父老傳誦之忠義名邦字深勒曾  
君世系出西昌初來吏部神揚揚三年佐郡壓青  
兗九載相逢歸故鄉我服衰麻世所哀君今衣繡  
世所榮哀榮共在故鄉好明日分襟無限情

泰和普閣寺壁顏輝畫

解文齋公集 卷四  
涂生少與鬼神遇家在我鄉社山住踏破山河盡  
得名顏輝服役從之屢清貧四壁自揮手旋題粉  
堊分新舊匣移好事為汝留百年風雨人間壽泗  
水一盃捲滄海娉婷妖孽顏如灰水平咄嗟具湯  
木運持萬斛青蓮開胡奴金童髮拳曲鼗鼓聲喧  
叫萬回玉環堆壞不能扶天台惠林遊國都杖頭  
三國幾英傑識者當時知有無忽從殿角出彪虎  
倉皇悔不彎弓弩走過盤拿值一龍前額披鱗咸  
爭武兩禪痴坐殊不驚松陰露滴秋冥冥寒山拾  
得笑何事老佛垂髮東南行定光亦向長汀去千

年獼猴作人語徵也光華照未來胡雛那得相賓  
主光中兵甲血相濺石勒諸兒眼如鼠括囊笑殺  
萬緣空醯雞起滅何匆匆男兒一身佩宇宙萬億  
劫後應相逢神交語了未可終金雞飛出扶桑紅  
靜蒼道人正結夏赤脚擬踏峻嶒峰邀我題詩觀  
明月如此風流何遠公古來夢幻當相續天地茫  
茫有形枯生事不逢隨眼前世間何事非蕉鹿跨  
牛菴前芳草綠直上青天放黃犢機鋒禁署騰玉  
霄風流太史黃山谷

白容縣茅山觀道官東白能文章且長於詩

予無以為壽集杜子美詩二十句以贈

冰壺玉衡懸清秋神仙中人不易得往時文采動  
人主自怪一日聲輝赫憶昨逍遙供奉班風雨不  
動安如山詞源倒流三峽水時聞雜佩聲珊珊先  
生早賦歸去來鯨魚跋浪滄溟開致身福地何蕭  
爽石田茅屋荒蒼苔繡衣春當霄漢立雲近蓬萊  
常五色池上於今有鳳毛秋水為神玉為骨百花  
潭水即滄浪星宮之君醉瓊漿西望瑤池降王母  
南極老人應壽昌

三峯崑真寺重修法堂

崑真之峯青插天中有佛手盤之圓佳花美竹秀  
以娟艷艷崑窟開金蓮大雄樓殿虬龍騫禪伯歌  
笑雲裏眠昔年曾此書石鐫當時賓客何駢闐即  
今一十有七年梵宇咸備施周垣矧有餘力及福  
田離相與國危復存兩賢高誼古所敦仁愛吾儒  
將赧然天龍守護鬼神跽坐看滄海思綿綿

題壽星圖

玉堂燕寢眠紫雲夢謁蓬萊東海君手招太白蹇  
若木身騎箕尾跨南辰是時秋分日在丙南極老  
人坐真境精神散作白銀光烟霧葱蘢出東井蕭

蕭兩鬢明如雪笑我青年無華髮手持綠玉當我  
前度我長生九還訣朝來旭日開瞳矓按圖忽見  
白頭翁不知宇宙幾甲子丹光滿面生潮紅長松  
團空結深綠芝草琅琅滿空谷一泓清沼活靈龜  
數尺階除伏馴鹿滔滔逝水催時改碧桃花發春  
常在請君細和白雲謠小住崆峒八千載

將進酒

故人手攀金屈卮進酒與君君莫辭仲子不援同  
產服孟公肯顧尚書期當歌感激風相結吳姬楚  
苧莫停舞黃河東走不復回白日經天豈能駐田

文昔日嘗經過朝酣暮樂艷綺羅高臺已傾曲池  
廢祇今誰聽雍門歌我有一曲側君耳世事悠悠  
只如此子雲浪作投閣人賈生空弔湘江水春風  
南園花滿枝莫待秋風搖落時東山嘯起徒爲耳  
乘時莫負高陽池

寄族中諸昆弟

自從到此忽三月每日揚鞭歷城闕花驄蹴踏御  
苑塵南風處處飄香屑天闕黃雲身世高親舍白  
雲情更切諸兄飄然絕世姿每念情親思激烈江  
湖千里多風沙恨不日日見顏色都門柳色長青

青上林鶯聲如有情長淮萬古去不盡鍾山朝日  
摩青冥又聞征鴻叫河渚雙雙紫燕鳴雕楹縱觀  
萬物皆得所感我躑躅心未平鄉人前日西江至  
歡呼倒屣爭相迎家書一字千黃金何得許久無  
叮嚀夢寐常思誦棠棣覺來不忍歌鶴鴒我宗之  
盛聞自昔未有遺子金滿籬干將莫耶世不識屠  
龍斬虎人始驚丈夫落落事高潔蒼蠅貝錦徒營  
營生逢堯舜難自棄况有門戶憑誰撐古云學非  
以干祿但願無忝爾所生天生富貴時與命豈肯  
逐逐爲縱橫况聞進銳者退速人有高才須檢束

但能鞭辟近裏來左右逢源無不足古云兄弟真  
天倫怡怡勿以疎間親千金萬戶皆外物豈以外  
物傷天真千流萬派同一源千葩萬卉同一根如  
何同氣有乖刺致使天下誇雷陳興言及此貴敦  
本母以彼此分玉珉我今慚愧臨風前鏗金戛玉  
聞鈞天諸兄歷落俱羣仙明珠孕蚌發光彩瑜瑾  
在璞晴生烟信知囊括自無咎遜肥可以棲林泉  
高歌擊壤天地寬仰事俯育俱陶然簡夫軒軒氣  
蓋世飄飄直有凌雲志銀河萬斛洗胸中日解千  
牛乃方試思量展轉不得寐零露瀼瀼鶴初淚同

解文毅公集 卷四 十一  
輩諸弟賴琢磨要使家聲無廢墜乘風翩然好下  
來素書先遣征鴻至最念從兄及朝弟自從生長  
無遺戾臨池絃誦喜忘殮清夜高談不知寐江南  
江北萬重山今年去年別時泪在家長日思登天  
到此何由能縮地康寧足可齊中郎好與榮也相  
頡頏茅穿淺土利霜戟寶劍出匣生寒芒讀書可  
以繼祖父有道自足輕侯王我言再三爾當記正  
宜努力斯世康

與胡郭二駙馬奉天門和韻

珠簾月冷風驚幄翠被宵寒悄無樂小奴鼾睡呼

不醒起見銀河漸將落金爐添火試沉香隅坐高  
吟動寥廓當今貴人君最貴袞袞貂蟬事天爵甘  
心已許同斷金苦口寧辭充一藥我曹一官自身  
致看盡浮雲生碧落少年莫學兒女情上古聖賢  
志當作宴安奢侈有深戒君不見漢家金張與衛  
霍

草書歌

我生十載燈窓間學書晝夜何曾閒墨池磨竭滄  
海水秃筆堆作西眉山豪來酒傾八百斛醉後顛  
狂隨所欲手持兔毫任鋒鋟掃破鸞箋千萬幅一

筆橫一筆直金鎗豎地錐穿壁白虹界破青旻天  
清泉瀉下丹崖石一點大一點小夜半流星隨月  
皖飛空彈石上雲霄出海驪珠燦穹昊媚如扱花  
美女逞新粧勇如操戈勇士當戰場動如綵鸞紫  
鳳爭翱翔勁如秋蛇春蚓各奔茫態如濃雲千萬  
變勢若晴空閃雷電秋空排雲鴻雁飛春江洶湧  
蛟龍戰君不見王右軍當年曾作籠鵝人丈夫有  
志亦如此筆下自有鬼與神

友恭堂歌

猗嗟鞠子之歌兮念父母及兄弟予信兮况妻子

之好合兮宜兄宜弟之具兮樂怡怡且孺兮令綽  
綽而裕兮視鵲鴿之於急難兮瞻鴻鵠之於嘹唳  
兮感歷山之號泣兮與荆蠻之逃避兮雖我生之  
庸兮猶或授之大器彼聖賢之重誼兮視天下其  
如寄矧瑣尾之私利兮紛冥頑兮絆示聆漢謠於  
春粟兮感鄭莊之投餌宜人類之不為兮彼欣然  
而得計噫昏昏其流俗兮斯明明於今世堂赫赫  
以宏構兮聯壁璫其瓊瑋棠棣兮復承杜湑兮附  
麗琴雍雍而瑟和兮篔簹嘒嘒而墁遞尚由由其引  
類兮庶斯民之攸噫

琴清軒

大瀛海上三神洲飛仙挾我同遨遊銀臺金闕麗  
霄漢琪花瑤草涼如秋中有神人粲霞綺臉若丹  
砂玉為指遙持三尺爨下之枯桐鳳喙龍唇半焦  
尾芙蓉隱褥青石床博山爐薰沉香珊瑚鴈足  
水晶軫吳絲絙絃冰縷長一絃初試韻殊絕松梢  
輕縷鳴騷屑二絃再鼓聲琅琅石上寒泉洒晴雪  
彈之再三沉且幽空谷猗蘭香霧浮祥雲捧月海  
底出海色含光凝不流移宮變徵逾五六鳳飛冥  
冥秋氣肅神棲貝闕凜乎不可留離鸞翔飛鶴驚

宿泠泠撫遍七絃終方壺員嶠來天風神魚躍出  
九淵浪潛蛟騰舞馮夷宮神仙驚駭攬衣起毛髮  
蕭騷颯如水恍然不知天宇皆清肅只疑身在水  
壺裏我亦與之渡海壘仙凡間隔三千年幾回夢  
寐想丰采妙音落落無由傳近登羣玉峰遍踏丹  
崖石望見紫蘭溪涓涓湛沉碧路逢當日島中仙  
謫降塵寰人不識玉童猶抱一張琴囊封古錦徽  
黃金開懷為我奏一曲坐令萬木含幽隱羣雄杳  
渺迥高邁似就釣天破聲曠萬斛煩襟歛掃除目  
曠神怡絕織芥君莫是攀龍曾上九天飛學得軒



角之秀公集 卷四 七  
轅數曲之所為又莫是早年出入宮禁侍虞舜記  
得五絃琴上南風詩不然何事列仙籍復向人間  
寄蹤跡收琴且莫尋舊游共展飈車跨鰲極跨鰲  
極登玉京君彈山水調我續升天行與君唱和永  
終日盡寫乾坤萬古情

筆妙軒

管城子爾能圖天文又能貌地理六經修纂點畫  
明羣書著述文章美作之之始稱蒙恬後來毛州  
刺史傳近代喜稱陸文寶如錐如鑿還如椽善書  
不擇新與故一鋒殺盡山中兔江淹夢斷多才華

班超投却成竒遇聞君製作非尋常尖齊員健良  
有方當窻特書風雨作臨池點染烟雲香百體書  
中盡神妙金雀虎爪生輝耀懸針垂露更清新不  
作拙工使人誚陸君早為人所稱英氣凜凜當青  
春何時攜取獻天子圖畫麒麟閣上人

行路難

倚劍且莫嘆聽歌行路難世途反覆多波瀾焦源  
九折未為艱君不見漢謠斗粟歌未闌長門瀟瀟  
秋草殘骨肉之間尚如此何況他人方寸間又不  
見絳侯身榮轉繫獄賈生空對長沙哭功成更覺

小吏尊才高寧避讒言逐所以赤松子遠避中林  
期誰能吳江上見笑鴟夷皮驪龍有珠在滄海勸  
君逆鱗無浪批子推介山下屈原湘水湄當時鑿  
朽一不量至今憔悴令人悲行路難難為言滄浪  
一曲且歸去長安大道橫青天

采石弔李太白

吾聞學士真風流豪氣直與元氣侔金鑾殿上拜  
天子叱呼寵幸如蒼頭貴妃捧硯恬不怪力士脫  
靴慚復羞平生落魄羸得虛名留也曾推碎黃鶴  
樓也曾踢翻鸚鵡洲也曾棄却五花馬也曾不惜

千金裘呼兒換取采石酒花間滿泛黃金甌醉來  
問明月月映金波流大呼陽侯出江海騎鯨直向  
北極遊我來采石日已暮潮生牛渚聊艤舟白浪  
一江雪滾滾黃蘆兩岸風颼颼我欲起學士相與  
更唱酬恐驚水底魚龍眠不得上天星斗散亂難  
為收草草留題弔學士學士不須笑吾儔磊落與  
爾同千秋

中秋不見月

吾聞廣寒八萬三千修月斧暗處生明缺處補不  
知七寶何以修合成孤光洞徹乾坤萬萬古三秋

正中夜當午嫦娥韜光匿何所酒杯狼籍燭無輝  
天上人間隔風雨玉女莫乘鸞仙人休伐樹天柱  
不可登虹橋在何處帝閣悠悠叫無路我欲斬蟾  
蜺驅玉兔坐令天宇絕纖塵世上青霄燦如故黃  
金爲節玉爲輅縹緲鸞車爛無數水晶簾外河漢  
橫冰壺影裏笙歌度雲旗盡下飛元武青鳥啣書  
報王母但期歲歲奉宸遊來看霓裳羽衣舞

永樂中中秋開宴不見月上心不憚公口占風  
落梅一闋云姮娥面今夜圓下雲簾不着羣臣  
見拚今宵倚闌不去眠看誰過廣寒宮殿上覽

之歡甚爲停杯以待夜午月復明上笑曰解學  
士真才子奪天手也命宮人滿酌宣勸盡歡而  
罷此事家乘向未及載見郎瑛七修類稿中附  
錄於此

月中丹桂歌

高天桂樹五千尺廣寒宮中遮月色八月秋清桂  
吐花天香散亂神仙宅西湖吳叟烏角巾帝遣伐  
桂三千春終朝倚困倦無力嬋娟兔笑嫦娥嗔我  
有開山新鉞斧手持直上清虛府金橋銀橋忽在  
前笑觀霓裳羽衣舞一斫折枝柯二斫折婆娑三

解文毅公集 卷四 一  
斫桂樹月中倒四海不覺清光多太陰之君邀我  
見封章直奏通明殿玉皇親賜天樵民留我天庭  
十日宴明日宴罷踏層雲思量唯有斧隨身袖中  
帶得一枝出天下方知第一人

霽月樓

夜夢乘槎度斗牛直到黃姑天柱頭嫦娥手把一  
輪鏡邀我廣寒宮裏遊廣寒之宮九霄上玉宇瓊  
樓屹相向白羽翠烟紫霧籠蛟龍盛住黃金榜天  
孫裁衣雲錦香玉女織綺成文章左招南極益遐  
筭右攀北斗傾天漿一枝古桂陰婆婆吳剛持斧

休蹉跎千載寒蒼塞宇宙八埏舉棹逢山河是時  
白帝行秋令天與初秋金氣應金莖欲採露花宜  
銀漢無聲雲氣靜我起問嫦娥員缺何太苦何不  
長教似玉盤一片團團照千古嫦娥笑我何太愚  
世間萬物有盈虧不論春花何濃艷當時秋葉還  
凋衰四時寒暑迭來往百歲光陰猶反掌顏面好  
學隕青春彭祖千年亦黃壤問答未及竟銅壺催  
曉籌金盤半欹倒忽向天西流金雞酬唱忽驚覺  
毛髮豎立寒颼颼向來行樂皆如此身在清江霽  
月樓

元日作

喜鵲雙飛鳴飛鳴報春曉元日紅雲上赤鳥萬國  
山河青未了我曹與世真竒逢年年此日朝飛龍  
幾回遙拜黃金闕幾回導駕乾清宮彩箋曾獻平  
蠻頌蓮炬斜輝宮錦紅屢得升堂拜家慶綵衣猶  
荷君王聖玉枕初疑鳳翼飄金聲忽響盤龍磬南  
隣修善頌佛經東家吾伊讀書聲讀書誦經心總  
好同善同心歌太平

求志山房歌

雲在山龍在淵雲未霖養晦於陰壑龍未震蟄迹

而蜿蜒所以古來隱居以求志長山大谷往往多  
才賢君不見孔明天下士志氣凌蒼天當年未受  
三顧寵躬耕只在南陽阡又不見鹿門有英傑別  
是人中仙耕雲自得隱居志日令妻子耘其前我  
嘗寄跡文江裏獨抱遺經究終始亂雲堆土結松  
巢一片閒心徹秋水閒來却訪朋江濱落花流水  
迷通津溪回路轉得幽勝深邃彷彿桃源春中有  
高世徒隱居謝世禁身同鷗鷺侶盟與泉石親不  
識季倫富不知原憲貧胸中萬事等孤鶴獨立瑤  
臺百尺之上月色傳其真冥觀六合間湛照無纖

解二齋公集 卷四 三  
塵我時一見之翛然清我神呼兒具酒鱠金鱗瑤  
琴古劍烏角巾自言足幽志不是甘隱淪酒酣壯  
氣橫秋旻爲君起舞君莫嗔山房之下日云邁蒼  
生有待山中人鞭起九雲之潛蟄共駕萬斛之飛  
雲致身直入九重內要使皇圖萬億茫無垠

送趙用哲赴舉

鳳飛五雲裏意欲周八極浩蕩乘天風超遙縱八  
翼趙兄英妙行玉山青雲幕歷巫雲間捫參附井  
弄明月挽汲平玉歸伊顏深灌莽絡羅美才子雲  
相如安在哉何時破浪駕飛艇共看玉峽之水從

天來

夢仙歌

明珠昨夜紛跳蕩天風吹夢直上九天上銀浦流  
雲壓錦衾露脚斜飛濕羅幌是時月姨搗藥臨丹  
爐霓裳曲奏皆仙徒泰階欲升若無力玉童兩兩  
爭相扶須臾豐隆阿香左右總來到駕風鞭霆飛  
過蓬萊島不老時吞玉液霜長生飽食金光草周  
旋遍歷寰宇中九垓十極隨飛翀安期羨門幾同  
笑木公金母常相從手閱陰符與金纂往來玉房  
與瓊館或遇滕六翼二扇威不知寒或到暘谷扶

桑行行不知暖覺來飛落洞庭壖猶呼我是雲中  
仙瀟湘極浦知何處雲雨荒臺空惘然嗚呼人間  
亦自有真仙何必跨鶴凌雲飛上天

聽琴歌

君是洪都人文采何彬彬一生節操冰霜勵十載  
交游湖海春有才不肯事生業往來慣作侯門客  
樓船海上釣金鰲車馬門前攢繡輓行囊只載書  
與琴秋來冬去尋知音文弦彈出白鶴舞武弦調  
出蒼龍吟一聲小盤內明珠走未了梅花落地聽  
無聲雲淡風輕天杳杳一聲高狂風大海翻波濤

梧桐葉落敲牕響半空靈籟聲嘈嘈一聲緩松篁  
憂玉瀟湘畔水聲嗚咽下寒川猿嘯青蘿夜將半  
初絃急切二絃遲鶴鳴華表風淒淒少陵無人謫  
仙死黃金難鑄鍾子期三絃四絃間徵羽美人簾  
下低低語清風明月不等閒白雪陽春奚足比五  
絃音韻諧宮商將軍劍佩鳴鏘鏘游魚躍波側耳  
聽五馬仰秣思騰驤個中希聲誰曉會伯牙志在  
千山外一似仙人蓬島歸雲路天風響環佩琴中  
之樂樂孔多琴中之趣當如何琴調能使妻子合  
琴調能使君臣和琴兮琴兮有深意三尺枯桐托

交契龍唇鳳沼擅嘉名玉軫金徽富精緻君不見  
大舜彈五絃又不見孔子操杏壇大哉聖人去已  
久天風漠漠難爲攀方今聖德開光耀九重屢下  
求賢詔正當攜此造金門律應簫韶入廊廟

題山水

溪山有逸趣蒼崖凌紫烟遠峰落天半中有飛來  
泉蒼茫樓觀出林杪邱園四顧居人少夕陽往往  
見漁樵古樹陰陰亂啼鳥望中峰高雲錦帳如此  
溪山猶故鄉元壇觀裏三峰出白鷺洲邊二水長  
碧梧翠竹連江岸菊潭秋嶼花爭亂好景偏宜白

日游年華每被青春換寄語溪水如有情氤氳佳  
氣常鍾靈山中美酒置千斛待我歸來尋舊盟

題雙鶴圖

翼軫白榆光隨地化作長禽如老翁瑤池蓮花雪  
中朶末葉微露丹砂紅軒昂有意出塵表九萬餘  
里騫長風上天下天訴真宰朝食幽都暮瓊海月  
中清咲露彈珠日下和鳴雲散綵或隨天帝驂龍  
翔或駕羣仙翳鳳凰翡翠巢高混茫上皇皇四達  
無門傍溟渤崑崙所棲息天地側身思咫尺吳都  
衛國兩無情芳草含烟幾迴碧雞羣誤落終昂昂



解文毅公集 卷四 三  
閒情不語春風長羈棲豈爲稻梁計且與高士商  
行藏君不聞薛少保青田寫真出天造一筆能將  
萬壑開冰丸雪繭傳皆好又不聞杜少陵大篇短  
章鬼神驚長禽自可千百歲加之詩畫何聲名嗟  
哉二老世豈無何將軍有雙鶴圖梅萼橫絕角井  
孤水出花開香欲剗竹石落落莓苔敷飲啄不受  
愛者呼麾之不去喜欲舞招之不來不可茲落落  
豈有軒車污不飢不渴天爲徒如此高潔世所無  
如此高潔世所無上帝何不喚取歸清都

題松竹白鶴圖

松壽千年齡竹苞四山植仙馭何方來偶此共棲  
息東游扶桑略西極下上九天僅咫尺時回啄食  
向蒼苔會見培風展輕翼松花雪落金粉香竹食  
貯以供鸞鳳九臯一聲徹雲表怪此人立何昂藏  
臨臯夢斷洞簫譜但見赤壁山蒼蒼丹砂作頂耀  
朝日白玉爲羽明元裳金芝瑤草尚厭飫肉食豈  
足充君腸清風徐來山月白起舞琪雪參差光乘  
軒肯受淇澳侮攜琴羞與西山將天長地久護松  
竹鳳鸞脩駕天門翔松爲棟梁竹爲蕩羽衣常侍  
北斗傍北斗斟酌白玉壺南崖燦爛滄海枯萬壽

千年應瑞圖

廬山攬秀圖歌

昔年拄玉杖去看匡廬峰  
遠山如游龍半入青天  
中四顧無人獨攬秀  
五老與我同春容  
手弄石上琴目送天邊鴻  
二儀自高下吳楚分西東  
洪濤巨浪拍岸下波光上  
與銀河通汲澗元猿弄晴影長  
松舞鶴號天風天風吹我不能立  
便欲起把十二青芙蓉  
弱流萬里可飛越因之獻上蓬萊宮  
羲娥倏忽遂成晚  
往往夢裏尋仙蹤  
如今不知何人撫此景  
樹下一老與我襟裾同  
披圖題詩要相贈氣

騰香霧秋濛濛子歸煩語謝五老幾時白酒再熟  
來相從

朝天歌送周長史考滿

大夫益國之雲仍高曾累世家廬陵憶昨元季四  
海沸先親避亂依錦城錦城從來山水好岷峨高  
高倚晴昊扶輿清淑鍾偉人容齋先生得名早丰  
姿不與凡俗同秀眉大顙仍方瞳攜書三載齒胄  
監折桂一日登蟾宮先皇召見延英閣除書遠逐  
遼東鶴練卒朝騎白鼻騮談兵夜坐青油幕軍中  
勵志誇才雄飛書上奏明光宮萬乘解顏雙闕下

千官回首五雲中，訃音吹風動。盈耳麻衣歸卧青  
山裏，賈誼先蒙太守徵。謝安仍爲蒼生起，天門重  
叩瞻飛龍。承恩來郡佐，花封化雨三。春桑柘綠東  
風，九縣桃花紅。公餘掃榻看家譜，靜念故鄉應在  
邇。夢中聽雨懷松楸，馬上看雲敬桑梓。去年入塞  
按邊儲，將士百萬隨。專車英風可繼李北海，令名  
不讓侯尚書。歸來螺浦春光早，種得棠陰花滿道。  
黃堂太守馳朱幡，白髮仙人拾瑤草。又騎瘦馬來  
文江，吳樓下榻書滿床。我時得侍文章伯，再瞻風  
采題鳳凰。別來相憶心如病，聞道朝天思報政。龐

統元非百里，才郭公自是中。書令官船明日泛長  
河，楊花飛雪南風多。攀轅卧轍計無已，揮毫寫就  
朝天歌。

送劉孟雍之官清漳

去年三月金門下，愛子清姿最瀟灑。笑剪鍾山五  
色雲，贈君自是知音者。我時正買西江船，君亦送  
我龍江邊。長淮無波碧於澗，楊花落雪東風顛。今  
年相逢春又暮，之官復指清漳去。羅衫紅映海榴  
天，紗帽香生紫薇露。一觴難盡別離情，閩山楚水  
烟冥冥。太平正好事綏撫，若有人來煩寄聲。

解文毅公集 卷四 三  
為李士鼎賦南樓歌

昔年看遍江外山，屐齒折盡今始還。滿身猶帶雲氣濕，雙袖尚染莓苔斑。歸家却恨歸不早，景物無如城東好。盤谷迴環不易尋，桃源幽邃終窅窅。故山日夕佳氣浮，水深流出東城頭。山光水色清掩映，好處正在君家樓。晝閒庭戶無塵雜，芝蘭滿砌天香發。夕露浮霑處士衣，清風為掃幽人榻。池中水暖萍香時，鯉魚鱗甲光參差。碧桃映日錦為樹，岸柳臨風金作枝。蒼松擁蓋鳴皓鶴，清夜泠泠漱聲作。瑤琴抱取月中彈，玉酒攜來花下酌。賞心與

景不相違，山水旦暮含清輝。陶令遙聞即解印，謝公到此欲忘歸。桐陰午巷轆轤響，鴛鴦飛出荷花蕩。採山釣水恣幽尋，停雨看雲任疎爽。丹楓離離蜀錦紅，脆蒲裊裊生清風。朝從澗阿拾瑤草，暮向水底搴芙蓉。昨宵寒梅放新蕊，朔風凍合城東水。要知清興逼人來，置身疑在冰壺裏。積慶孫子多才賢，城內幽室城外田。四時樂事都不減，中間好處君獨偏。樓中有書數千帙，山光倒浸溪流急。好將佳景賦新圖，墨花染透金壺汁。便令下筆絕塵埃，四面玲瓏窻戶開。胸中自有凌雲志，明日韓公

騎馬來

贈寫真蕭士信

太史公疑張子房狀貌不稱如女郎如何運籌帷  
幄裏兒撫丸轉諸侯王今喜蕭郎來畫我雄偉魁  
梧無一可只許雙瞳傲月華祥雲麗日春風坐粲  
然一笑筆生花香雲合沓霏紅霞謂子眉宇照今  
古鴛鴦豈羨為烏鴉我感此言因嘆息此言只許  
鄒軻識凌烟功臣褒鄂竒房杜癯然迺無敵蕭郎  
胸懷亦光霽脫略形神有真秘請君更寫英雄人  
筆健如山挾真氣

贈友

鳳凰麒麟不世出往者空聞今見之迺知神物別  
有種天生才雋超明時君當妙年好丰采毛骨自  
是千金姿方駕曹劉宜獨步抗辭楊馬復先誰逸  
氣稜稜久無敵射策金門真破的試將一劍決浮  
雲已覺萬人皆辟易白簡晨驚玉筍班青鸞夜上  
金鑾直閣外親收進誦書榻前醉草平蠻檄紫塞  
無塵四海清承恩衣繡許趨庭遙瞻日月辭龍袞  
笑撥烟霞上鶴翎長林花開啼早鶯金龜解換雙  
玉瓶春風如此不一醉壯懷磊落何由平

賦得字水成文送陳子魯

章江飛出贛石來大臯渡頭羣玉開神螺浦翠曉  
光發天獄山高青練回東江西江小水合章水中  
流何壯哉雙洲橫作兩龍劍交鎖石瀨鳴春雷一  
點分明飛作筆上字成文下成吉滄田桑海說荒  
唐馬用河圖洛書出文水生祥不可休坐談孔孟  
思伊周蕭曹管樂不足數倦游往往思扁舟陳君  
更在水西住幾回擊楫歌中流鷓鴣洞前薜荔曉  
赤石潭下芙蓉秋天風吹雲捲大旗玉文深發清  
漣漪君今歸去事仙賞我亦乘之歌式微

為李君題桃源圖

丹青妙手稱良工筆端造化真無窮絞綃一幅如  
掌大江山盡入畫圖中晴雲終朝鎖峻嶺釣叟長  
年棹孤艇鳥鳴洞口不聞聲日出扶桑樹無影仙  
桃已去花猶紅嚴冬草色盡青葱人行相逢路間  
陌鶴飛不到巖前松衆山環繞如盤谷流水縈紆  
武陵曲徬徨幾欲造其間去路迢迢難着足

題畫梅

我觀白榆千萬樹花繞天河看花去仙人不識造  
化奇種在江南更沮如蒸翻朔雪凍作香喚回夢

影凝新粧梅仙梅仙誰所指六籍已見數頃筐堂  
堂傳相九天上商家霖雨來蘇望化作鹽梅鼎更  
深從此功名幾千丈黃金鑄鼎未論功白玉開花  
鶻神旺岳雲遶空飛不去瞥見西湖一千樹却同  
天上白榆花大庾山頭更相遇詩人窮肩瘦於鶴  
長篇短章豈倉卒黃昏踈影弄橫斜賦得蓬萊建  
安骨建安諸子昔未賦北客哀吟楚三戶屈子無  
情不肯招離騷讀罷長歌些月華輝輝大如斗浸  
在寒潭落虛牖倒源水冷起青冥化作盤空好身  
手我觀畫梅如畫龍變化豈與常流通自從瑤臺

厭丹粉獨立閭闔歌清風

枯木竹石

高堂白日風雨起怪石蒼蒼勢碣礧藪深野竹動  
猿哀疑在湘江層疊裏舉頭却見青天青老樹偃  
蹇虬龍形盤根九土比金石勢與五嶽爭風霆絲  
蘿引蔓自蒙翳苔蘚附麗相縱橫霜繁露重日慄  
冽堅冰積雪時虧盈棟梁之姿不易得天意豈肯  
隨飄零新條舊發更修直老幹輪困更錯節翠帷  
密葉膏沃光雲景芳華重結實扶桑倚注啟明東  
崢嶸載捧青霄日

題墨竹

江南處處多修竹涼雨瀟瀟響寒玉孤根送出龍  
欲馳怒籜纔舒虎猶伏霽景時開忽往來清陰迥  
遶天垂綠我昔金鑿夜直時月下風前適見之天  
然妙影落牕畔展轉江南勞夢思歸來竹林時宴  
眠斷渠流水分清妍深叢嫩篠山雞語喚醒騎龍  
朝日邊故人示我新圖好華林金谷空烟草此君  
貞節萬世同縱有冰霜自能保

西川四景

巫山天下無

夏雲岩堯影空翠十二巫峰墮平地化作奇峰天  
下雄飛入西川作形勢楚襄微事何足云宋家小  
子雕蟲文君不見今古興亡幾番雨世間何事不  
浮雲

眉山天下秀

娥眉春月鬪嬋娟雷砵夜響空中泉江南客子喜  
空翠踏破平羗江水邊歸來夢寐遶岩壑千花爛  
錦明帷幄起來如在娥眉巔畫史新圖爲君作隴  
西太白去不還浣花堂草苔石斑西川風景世間  
少令人長憶娥眉山



雪山天下高

雪山山高在西極下視九州皆歷歷自從積雪雪  
未消萬古寒冰堅比石五丁力士移不來畫師忽  
遣秋毫開南州溽暑晝方永展此清景何快哉君  
不聞嚙瑄使者去已久鮮能知味令心哀

瞿塘天下險

驚湍觸石石欲落絕壁與天爭一握峽東衝激轉  
奔雷白日蛟龍怒相角望中砥柱何崔嵬曾見當  
年征戰來禹鑿漢江猶在眼金輿鐵鎮成寒灰行  
人記取秋風裏云是瞿塘灩澦堆

題馬

秋露團團玉花白金鞍紫騮度香陌奚官穩控青  
絲韁天仗從容閒玉策歸來意氣閑且都欲飲靈  
泉驚砂磧何當披甲騎爾行一日長鳴空冀北

長安別鄒生

西行十月至長安鄒生萬里東南還爲言曾度六  
盤山山下臨洮河與澗此行不必凋心顏大雪恐  
墜層冰間在城飲酒強自寬明日東西岐路難我  
漸辭家君漸留君在甘州思越州一去三年邊月  
苦歸到家時消百憂我心尤切念庭闈九十嚴親

雙鬢垂倚門斜日望子歸臨風託寄平安字寒梅  
花發報君知

西行示姪禎期還家

平生不作汗漫游骨肉滿前寬我憂一尊時醉黃  
花下萬事不醒江波流早歲攀龍客天府浪得聲  
名滿寰宇歸來自分閉門過豈料更為名所苦旅  
影西行萬里遙黃葉飄蕭更無數我向黃河似泛  
槎阿宜別我思還家一天雁影閒秋色兩地月色  
愁蒹葭蒹葭蒼蒼露為霜朔風吹汝征衣裳料應  
一步一回首歸到家時心轉傷弟妹若相問為言

各康強嚴親且祝加餐飯我行十月應還鄉

送友人起服北上

結髮相與友不異雷與陳風波蕩萍梗所歷為參  
辰君行初向河南時輕裘快馬懸明珠光輝五色  
照行路悔不相從同曳裾遙聞鴻雁聲嘹唳冀得  
雲中尺素書素書宛見陳重面我亦揚舲別鄉縣  
京華為客忽相逢雕盤綺食諧歡宴豈知宴集樂  
未終風驚木落親庭空訃音一紙淚成血擗踊袒  
括何匆匆我苦辭親思顯揚只言得祿榮高堂潘  
輿娛侍志所望墓木已拱情可傷祭之列鼎陳簋

解文毅公集 卷四  
簋不似生前歡菽水更有睽離行役時去住存歿  
無能知君今得遇昇平日忠孝兼全兩無失三年  
再上青雲路萬口稱揚聲籍籍脫却麻衣換錦衣  
千軍駿馬如翬飛但看蒼蒼佩印綬與君同向江  
西歸

西行寄甥文瑩

祖隴西山鴈門下西行正值秋瀟灑秋日雕弓射  
孽狐雪中玉勒馳天馬却過并州是故鄉先公并  
國漢侯王西江有家未千載南望白髮懷高堂吾  
甥夙所親執手未忍別黃葉下江皋離愁正如割

我當歸思如渴相思悽惻重綢繆遠在明年二三  
月

寄胡敬方

梁鴻海曲竄賈誼長沙謫僂耳蘇子瞻夜郎李太  
白君家忠簡在幽州功名自分隨烟流一朝行召  
入宣室君臣魚水還相投我視諸公豈儔匹十年  
曾侍金鑾側朔風吹夢入河州細語荒郊秋一葉  
臨行天語重丁寧萬里西行勞聖心鄉人憐我休  
太息飛鳥終當還舊林

盧氏秋夜賦寄王院判

解文毅公集 卷四  
羈懷不自釋終夜卧復起長風吹河聲瀉入茅屋  
裏青天高高素月橫露華淒落羅衫輕干將莫耶  
欲自見中夜忽作雙龍鳴志士遭逢苦不早遠道  
憂心急於搗漫說咸陽與洛陽昨日鶯花今日老  
我有母江之南盈簪白髮絲髮柴門半掩綠樹  
下落日凝望情何堪我有弟湖之北雲夢關山萬  
里隔三月歸鴻又盡飛相思一字無由得金蘭交  
契王使君一日不見心氤氳適來離別忽三載夢  
魂踏遍江東雲平生只欲事高潔骨肉交遊總踈  
絕慷慨臨風一灑然淚痕滿袖都成血衣袖初乾

夜向晨古來忠義多艱辛江鄉有路且歸去秋風  
野水堪垂綸

寄新野袁上舍

孔明信卧龍士元亦雛鳳南陽千載人星芒相搖  
動友人爲道留至今新野文學如喬林松根木下  
伏琥珀桂枝月暈生黃金雲臺先輩會風雲鹿門  
肥遜猶清芬登高弔古歌慷慨冒使榮名羞後塵  
泮池芹藻如碧玉濟濟游歌思樂育琴瑟鼓奏合  
周詩義理周旋論更僕正如美玉在崑山山輝白  
虹五采斑又如璿珠孕溇淵午夜騰騰光燭天干

將韞匣射斗牛騏驥絕足超燕然今年射策應相  
見承恩早拜金鑿殿鳳凰臺上聚星期先寄長歌  
如會面

贈薛相士鐵崖

銅之鑑可以見妍媸不若書之鑑可以見是非人  
之鑑可以見善惡之端禍福之機河東薛相士自  
稱老鑑師一雙神瞳秋水碧三寸長舌霹靂飛曾  
相水邊遺英作貴子道上單丁爲富兒前年山東  
睡漢是龍虎今年雁山華胄非熊羆談言一中理  
子奪無依違見子勸以孝見父勸以慈見臣勸以

忠直則正邪則欹鑑道如此頗合古人之箴規鐵  
崖道人曾讀書與詩誤蒙進士賜緋衣龍門上客  
一日速十年不調官何遲五湖相見談出處許我  
再覲黃金墀我心復鑑復自斷子卿唐舉母容知  
醉來吹笛客自去天青月在梨花枝

河州正月十五夜有感

少年行坐依慈母送臘迎春事樽俎自從元日說  
陰晴且向歲時將十五兒童夾路爆竹喧高引紅  
燈笑嫖姥青獅傀儡動地來歌鐘徹夜兼鼙鼓驅  
儼擊筑闐喧呼剪紙拈花作歌舞黃金蛟龍珠翠

鱗十丈流泉口中吐登州海市未足憐河陽花縣  
何須數我家不與世俗同弟兄伯叔聯簪組滿堂  
賓客皆雄竒新吟健筆爭遙午我時七步詩即成  
諸生學士觀如堵年年歲歲盛繁華只說江南好  
風土那知少壯遇有殊歡樂相兼又愁苦布衣十  
五步蟾宮年年看燈天九重金門夜開星斗落玉  
柱盡作扶桑紅羣仙邀我飲河鼓大醉尚吸滄溟  
空南風飄飄親舍遠乘之便往辭飛龍十年宮錦  
燈花下都與從前歡樂同一從秋暑別京國山川  
萬里音書隔東風一夜百花開散與羈懷助吟癖

湛陽江月暫淹留何侯祠前聽棹謳江船萬烟笑  
蓉渚賽殺兩岸琉璃球今夕何夕在河州平生之  
交懽相酬微霰飄灑燈不收更催添注龍鱗油醉  
來身披紫綺裘移船更作汗漫遊豈知夜永風雪  
道冰作燈籠森白矛逐日瀝凍成以鞞襯以五彩  
懸銀鈎大雪大似金兜鍪我疑天公與人謀剪下  
玉屑如雕鏤邊城涼薄天所凋真成玉宇兼瓊樓  
烹龍炮鳳樓上頭他人異域自風流羈客向隅雙  
淚流任他歡樂彈箜篌嚴親念我應不休燈光爲  
我達宸旒相思何日大刀頭

解三秀公集 卷四 三  
夜牕吟

更深坐久燭花短人靜紅爐火初煖朔風吹得笙  
簧寒碎剪霜華上銀管攬衣拭目雁行細梅梢月  
到松梢未敲冰化水澆醉腸寫向吟牕敵寒氣鼓  
輦凍損聲不動別院人添翠衾重筆尖欲挽陽和  
回蝴蝶無情入春夢朝來閑倚闌干立忽聽林鴉  
報晴日殷勤細讀中夜詩一笑雲邊亂山出

長歌行

有淚莫泣鮫人珠有足莫獻荆山玉赤心徒使按  
劍看至寶翻令笑魚目千金蹈海稱達人五噫出

關東去秦負芻無復遇知己空歌白石南山春楚  
卿相棄復何有於陵甘作灌園叟爰鷓偶集魯東  
門惆悵胡能事杯酒長風蕭騷百草殘長劍悲歌  
涕翻瀾金臺駿骨久已化瑤水風波不可攀畏途  
羊腸能折軸作詩爲謝雲間鵠海上三峰久負期  
醉歸休託平原宿

踏青行

春風綠遍天涯路滿院殘紅不知處西家有酒不  
肯賒愁坐茅簷日將暮出門時作踏青行晴川雲  
煖花冥冥時人墮管吹落日難爲一段江南情

解文毅公集 卷四  
送蕭檢討引高南歸

新雨不成泥，輟舟樹上啼。征夫懷遠路，家在大湖西。  
別家今幾度，楊柳江邊樹。念鄉車輪下，漸是中年路。  
萬事中年尚可期，人生且莫長別離。長別離，向何方。  
九河落花晴浦香，玉雕斑斑鳧乳黃。南望不見三高堂，  
奈此遊子思故鄉。我家蕭君濟世早，功成身退合天道。  
當時未必去者賢，挽不回之卧烟島。後來親閱虧成事，  
始識從初去時好。我不能赤手縛虹霓，又不能委身同草木。  
生逢堯舜時，肯受泥塗辱。昨者誤奮龍門雷，螻蛄嘲之自云足憂。

者舉觴酌白日，惟有皇天照空谷。張公云吳江生，我有千載意不羨。  
身後名爲君寫作送行曲。曲中摧曳難爲情，君行不聽我意不平。  
明日買船棹秋聲，送秋東下窺滄瀛。飄然如去白玉京，須君禹穴相逢迎。  
相見不見須相待，客行雖遲心不改。

劉希夔丁憂還鄉作此送之

我有一斗酒，青天灑浮雲。浮雲散盡月光醉，天地與我同氤氳。  
我有一掬淚，送君歸灑文。江波人生祿仕爲親養，得祿親喪將奈何。  
去年八月秋風清，我尚哀麻辭玉京。匆匆流電別鄉里，蚤夜載筆趨



解文毅公集 卷四  
承明今年八月送君歸忍着衰麻更彩衣寄言具  
慶高堂者莫遣徒爲風木悲

送友人載入蜀

昔年君去西川時白頭慈母紉征衣衣成五彩相  
陸離出門意氣生光輝扁舟泝盡瞿塘險料想一  
險一度思庭闈白頭慈母中夜嘆嚴父寄書令子  
歸歸來復向西川去相看又作明年期人生倏忽  
百年內春葉青青秋已稀辭親掩卷懷李密酒酣  
擊筑思漸離丈夫孝子俱可憐明年與君重相違  
君行慷慨當恐懼父母之年不可以不知父母許

爾行勿疑

送楊教授之邵武

昔在匡山下杏花手自栽杏花遶天發先生歸去  
來歸來雙闕下故人滿京華爭修薦剡非所欲東  
望閩海回雲車銅章四寸郡文學夏楚不用施方  
略誠能動物物皆春人間無如教官樂舉比坐擁  
春風喧服事弟子來如泉問咨唯喏皆聖賢教官  
之樂不可言爲爾再賦菁莪篇

望潛山歌

東望望見九華遠西望望見潛山高江中洲渚不

可數但覺萬艦春雲濤前船遠似飛沙起後船烟  
中來似蝘人生快意如此時順風微波日千里安  
慶城池居要衝一掬之地能消萬古之英雄紛紛  
誰可掇將去恨血不染江波紅惟有龍眠老居士  
畫得山川及文字更有余忠宣公百戰死荆揚夜  
夜天光紫喬家淚滴江水渾紅顏得失何足論三  
千年事堪消魂舉氣噓天天亦昏幸遇太平息征  
戰却憶先皇淚如霰吞聲躑躅愁雲屯仰視紅日  
東方暎

池口阻風

避風貴池口維纜臨川渚白浪如山捲雪花墨雲  
匝地飛陰雨此時魚龍爭沉浮江湖石裂無安流  
馮夷擊鼓怒鼉吼恍惚可以追冥搜湏臾雲散風  
暫息移船買酒澆胸臆鮮魚湏得豈問錢縱飲高  
歌忘岑寂便覺紅日催人頽推篷且看池陽山九  
華蒼翠杯中墮對景不復論鄉關尊前攜手有知  
已前程嗟嘆徒爲爾青雲有路待我來一日南風  
歛千里

繁昌阻風

繁昌峽前風阻客逆浪牽船滯行色坐數歸船疾

解文毅公集 卷四 四  
如箭俄頃飛帆浪中沒我非尋常流宕人等閒不  
遇閒悲辛讀書學得萬人敵直將富貴輕埃塵君  
不見當壚逸才題駟馬不如安石濟天下古來豪  
傑爲世出肯逐青牛度關者丁寧北風且少停會  
看一舉登玉京未把升沉問聃尹欲共姬周論治  
平不須對此嘆坎坷世事到頭須勘破成功他年  
拂衣歸直向東山日高卧

白扇歌

剡溪白繭青篔簹素練翠濤霜雪光金刀剪出雲  
一片入手颯颯清風涼奢儉適中不盈束舒卷因

時愜人欲碧波激灩海天平清香瀟灑淇園綠絕  
勝娥眉山月半輪秋又如渤海玉樹珊瑚鈎白羽  
之輕不足比齊紈雖潔那能儔偉哉官樣何從得  
不方不員亦不缺龜鼉躍破玻璃紋鳳凰踏斷琅  
玕節疑似嫦娥月下裁狂風吹墮天山側又疑馮  
夷捧出碧波心江妃水仙惜不得祝融南來鞭火  
龍閭闔盡在紅爐中牕下書生當此際便覺兩腋  
習習生清風飄然如在蓬萊宮又如駕馭羽輪颺  
車渡弱水十洲掛在冰壺裏翱翔三千界扶搖九  
萬里排雲叫閭闔闔乾坤淨如洗何須避暑子雲亭

何須濯熱瑤池水何須遠訪芙蓉城青冥風露非  
人世何如此扇之清清玉川子丹邱生胡不持之  
朝帝闕爲我掃除天下熱

答胡光大

去年雪中寄我詞一讀一回心轉悲結交誰似金  
蘭契舉世紛紛桃李姿我觀百歲須臾耳人在乾  
坤猶釀器清濃糟粕總成空四海滔滔不知醉我  
是浮雲與世乖醉醒各判自難諧天地悠悠尚應  
盡百年草草爲形骸吟詩作賦愁肝腎絕穎屠羊  
爭筆陣勞筋苦骨竟何爲一榻清風萬年盡襄陽

太守何其愚沉碑水底誇龍魚至今人笑陵谷改  
亡吳帝晉竟何如我有窮愁何日寬醯雞起滅閒  
獨看痴兒細子能萋菲毀譽榮辱吾何干今年春  
到花應早預擬南園踏芳草細看春色天上來萬  
樹芳花照晴昊莊生久矣喜逍遙陶令何曾恨枯  
槁啜醪一醉也徒然一諾千金永相保

過蒼梧峽

廣西下來灘復灘三百六十長短灣潭心綠水緩  
悠悠長灣短灣凝不流涓涓千尺靜見底隔岸空  
行魚曳尾忽然路絕山勢迴峽口江聲如怒雷石

嘴鑿鑿森鯨牙龍潭虎鋸如回車我行已過正月  
半一夜水生浮漢槎龍潛虎伏杳不見但見滿江  
圓浪花浪花飛雪捲萬瓦船下高灘疾於馬浪船  
俱起空中擊舉柁齊挽不容力舟師持篙眼逾疾  
抵住石頭輕一擲水痕奔箭石竇急老稚懷憂多  
掩泣齒聲卜卜叩神靈拋紙燒香齊起立爲言水  
淺僅容舸篙師失手爭纖毫水深怒起兩厓近撇  
漩指顧隨洪濤龍君水伯似相曉此水不大亦不  
小紙船偏得鐵梢公穩似春遊在靈沼翻思初下  
象鼻山怕問行人多苦顏驚心樂水昭平驛慮患

防虞不暫閒忽見蒼梧山在目已聞鶯語自間關  
須知平地風波惡何處安留不險艱此心常似初  
來日三峽滄溟任往還

題扇

疎疎雨濕湘江雲湘江美人思斷魂蒼梧帝子去  
不歸錦城公子何時迴我欲攀天借取清風明月  
三萬斛掃除閒愁與昆明之劫灰劉郎劉郎絕代  
頗希有秋菊寒泉酌元酒談中風味心自知天下  
炎涼一揮手

紙

剡溪藤魚網線搗判如麋浸水視神工抄作五色  
箋鳳舞鸞翔雲片片漢庭帝子愛如寶詔下蔡侯  
多製造文華殿上賦新詩御墨淋漓盡章草

筆

未用怨頭白用時頭轉黑未用暫幽閒用時何逼  
迫須臾索我風雷驚明時用我致太平君子用我  
流芳名鬼神見我俱潛形五經文字傳今古蒼頡  
由來知我苦十萬雄兵我解和那用敲金兼擊鼓

墨

北方黑帝驅松使松使噓烟滿天地神工幻作元

霜飛一歛搗成烏玉劑腦麝勻膠香屑屑巧製如  
琴復如月休論價值重如金貴在玉堂堂上列出  
處相同毛與楮生也同生死同死結隣好箇石鄉  
侯親我更親二君子天池共沐恩波慣彩鳳龍光  
幾璀璨五經載道孰為先匪我傳來那得見

硯

我家住在端溪裏窈窕白雲最深處吾宗骨肉徒  
紛紜惟我幸為明時器瑜麋見我性質實俾我日  
裏相摩擦毛穎先生常似渴一插池中水將絕玉  
堂金馬許多人惟爾三子情最親愛我堅心磨不

磷案頭長立待君恩

水滴

月窟一蟾蜍變化何所之秀拔三峰巒更蟠兩蛟  
螭或化北海魚或變南山鹿長河與百川一插歸  
吾腹須臾喫出雲烟起濡毫細寫龍鸞字筆底回  
春有生意能使雲行兼雨施

寄周吉士

青原白鷺城迢迢下有文水明珠橋閭閻撲地鐘  
鼎食多是先朝舊宦僚周家雙井名最久華萼堂  
深介眉壽天章奎畫動星躔大冊高文垂宇宙昔

人作郡多仁恩耄倪卧轍留攀轅遂令奕世有家  
族千百里內棠陰連白沙翠竹槎溪上別墅山泉  
恣幽賞百年嘉慶毓英賢二十青春登虎榜鳳凰  
池上忽相逢却憶垂髫歡愛同風波萍梗蕩離合  
日月夢寐隨西東禾川送別情何及龍田立馬看  
山色對月高歌共扣舷簸蕩元潭老蛟窟畫船曉  
發清江湄望望庭闈思欲飛平原綠野有真趣西  
洞溪橋勞夢思前年重會箕山下獨鶴孤琴暫瀟  
洒當時霜雪徧郊原但見青松與桐櫝願君且保  
金石姿岸芷汀蘭堪佩攜與爾重尋舊時約青山

白首同遊嬉

東湖攬勝

十年不到豫章城鎖蛟宮中新水生澹臺祠下日  
乍午觸熱更上聘君亭聘君亭前無亂蛙此事或  
有非人誇聘君高風自千載况有湖水明丹霞望  
中西山青似幕參差開徹芙蓉花登高攬勝興未  
已柳風吹天涼似洗青眼故人殊已稀慨慷更讀  
南豐碑

題百子圖

天無一日備四時人無一母生百兒何人筆端奪

造化天時人事俱備知三三兩兩如魚隊日長遊  
戲欄干外攀花折柳爭後先採菊東籬相向背昨  
觀此圖三撫几多憂只為多男子生子當如孫仲  
謀人生一變亦足矣

怨歌行

絃奏鈞天素娥之寶瑟酒斟流霞碧海之瓊盃宿  
君七寶流蘇之錦帳坐我九成白玉之仙臺臺高  
帳煖春寒薄金縷輕身掌中托結成比翼天上期  
不羨連枝世間樂歲歲年年樂未涯鴉元粉白各  
相宜卷衣羞比秦王女抱衾誰賦宵征詩參差雙



鳳裁筠管不謂年華有凋換楚園未泣章華魚漢  
宮忍聽長門鴈長門蕭條秋影稀粉屏珠綴流螢  
飛苔生舞席塵蒙鏡空傍闕堦尋履綦宛宛青陽  
日將暮惆悵君恩棄中路妾心如月君不知斜倚  
長雲和淚垂

桂林歌贈友

永樂第八年庚寅春王正月廿有四一陽真人駕  
詩槎愛煞江流學文字遊遊漾漾清湖邊清湖萬  
頃涵青天桑野模糊藏暮雨柳州綿亘鎖朝烟詩  
槎泊在滄洲背忽見高林挺高桂桂家住得最清

高不比尋常巖穴巢借問春桂何事獨無花不與  
羣卉爭繁華姚黃魏紫矜富貴桃紅李白紛豪華  
桂不能言答以意芬芳要在風霜際千林萬木搖  
落時白蕊丹心方表異翡翠堆裏金粟黃千朵萬  
朵聯秋芳金風滿天散露氣明日萬斛懸天香昔  
年曾到廣寒宮芳菲絕似金林中玉兔搗藥不顧  
盼彩鸞起舞猶雍容嫦娥雙雙勸我酒蟾蜍蹲踞  
來稱壽自言搗得不死丹昂頭捧獻前稽首金丹  
入手光陸離呼吸元氣餐紫芝遂令賣藥遍天下  
至今賣藥仍賣詩賣詩賣到桂家去桂家留我久

解文苑公集 卷四  
停住婆娑老樹凝冰霜延蔓新枝庭下聚皎如玉  
樹森成林湛如明鏡磨精金君家兄弟不易得一  
門同氣還同心戒審屏改警非意五兄弟名戒非  
非警瑤環瑜珥敦信誼讀書不負功名期好比燕山  
之竇氏昨朝林下華筵開花香飛入黃金壘門前  
長有車馬至座間盡是鴻儒來相逢不飲真負人  
明香一炷時自熏興來一掃千百紙龍蛇騰躍隨  
風雲隨風雲度銀漢瑤池宴罷天上回斫桂燒丹  
金不換

贈閬溪友人之子入覲

我昔曾遊閬溪上閬苑仙人過相訪開筵醉月坐  
瓊花氣吐虹霓各千丈葛山對面如屏帷白雨一  
洗青琉璃啣紅飛鳥忽來下勾漏丹砂明日歸武  
城公子攜客來卿家歡甚懷抱開傳觴踊耀催打  
鼓倒挽河水添金盃高懸大畫白鴈飛畫者濠梁  
崔子西濡毫請我作詩句大壘尚有宣和題聿來  
賓從甚雜還論古稱今恣歡洽門豎峒堯百歲坊  
翠柳黃鸝聲恰恰翻思此地盛文儒六一文星照  
碧虛鳳凰瑞世西山真於菟孝感徐東門龍潭學  
士登金岳武城直院祠先人當時墟曲勝鄒魯絃

誦日夜聲相聞繁華事往文字存靈芝瑞草香氤  
氲麒麟繡紱光墮地鸞鷲和鳴鸞鳳羣別來倏忽  
二十載重尋舊夢無時改亭亭玉樹立當霄天馬  
空行見風采魚箋索我遠遊詩并道嚴君勞夢思  
半生足跡厭江海陶令欲賦歸田詩如何更有驅  
馳想壯士飄飄九天上買舟東下朝玉京彭湖匡  
阜入眼青大江橫流作天塹萬國如此宗神明觀  
光禁御日五色訪道橋門奏金石蕊珠宮裏閱瓊  
文金粟林中話空寂草堂古篆兩三行正如金薤  
垂琳琅吳人天璽殞星石皇家字畫蛟龍翔暇時

載酒一坐卧明珠徑寸當空墮拾裝又作薊門行  
析津之水浮蓬瀛天回北斗運此杯地合九城通  
杳冥黃髮含哺鼓腹歌常從五夜聽雲和周宣中  
興有石鼓奠鼎國學包山河君能覩此實竒偉下  
視五嶽如坡陀會當拓取一萬本便可拂袖歸山  
阿買田築室守金玉扶老攜幼瞻羲和重來閩溪  
爲翁壽與君握手同遊歌

春來曲

人逢春來喜我逢春來悲春來春去催人老百年  
光陰能幾時去年當春髮如漆今年逢春鬢若絲

人逢春到好顏色我見春來頭愈白一片飄瀟似  
雪垂縱有春風清不得憶我初年十四五每到春  
來強欲舞讀書一目數行下醉後傳觴不知數一  
朝辭家入京國正是鶯花二三月東風滿路馬蹄  
輕揮鞭走遍長安陌此時紅顏方少年瀛洲步武  
如飛仙常臨螭陛奉清蹕時拂雲箋近御筵自從  
衰病困懷抱一回見春一回老趨朝上馬要人扶  
形態龍鍾貌枯槁尋常怕雨又悲風白日看花如  
霧中酒腸不慣易成醉詩句嬾題那得工昔何勇  
銳今如此始始蹉跎真老矣吁嗟天運本自然寒

暑倏忽相推遷老聃彭祖今安在瑤池弱水皆虛  
傳眼前豈無曠達者擊節和我春來篇

解文毅公集卷四終

解文毅公集卷五

解文毅公集卷五

五言律

太皇太后挽歌

妊如興周祚塗山啟夏王萬方仁覆下奕世壺儀  
光赤子天空顛元宮地永藏哀歌隨逝水河漢遶  
天長

翊運符坤厚承天協睿謀星華光帝座月彩麗神  
州仙馭蟾宮遠祥雲鳳闕收萬方俱失侍揮淚濕  
清秋

回京

解文毅公集 卷五  
聖恩寬逐客萬里聽歸來未上凌烟閣先登望海  
臺水翻翠浪擁地拓碧天開目斷雲飛處終身愧  
老萊

贈東平侯韓勳之雲南

青春二十餘文武竟誰如手握千鈞鼎胸蟠萬卷  
書誓心依日月盡力剪夔魑稱爾封侯貴雲臺畫  
匪虛

鳳凰臺

久遊龍虎國每上鳳凰臺一水浮衣帶三山落酒  
杯東南形勝在遠近畫圖開有感風雲會從天五

馬來

聽雪軒

虛簷迸玉鳴入夜轉分明風響不相似雨聲無此  
清倚窓情不倦撥火耳湏傾想是梅花落梅花落  
更輕

寄友

一自登天府聲名舉國傳鳳池皆縮首禁苑盡推  
賢威鳳青雲上祥麟白日邊上林人共喜幾度錦  
衣還

風高楚天碧秋醉鳳凰池京國三年客扁舟歸獨

解文蔡公集 卷五 二  
遲滿傾桑落酒折盡桂花枝政爾相思處逢君又  
別離

鶴髮重華簪都門酒共斟家傳三世學索有二疏  
金聖主恩如海故山雲滿林承家賢子在相勗嗣  
徽音

寄胡光大

前日及柴扉行休頗自怡問人別後事得女寄來  
詩處世的如夢勞生能幾時冰霜惟自潔窮達任  
何知

上蔡音書近高談復論文六經懸白晝千載信浮

雲漢簡何多鑿秦坑亦合焚操觚任緩頰安得見  
華勳

斯文天所賦吾道晚初成閒若陶元亮狂爲禰正  
平登高天以曠對月鏡逾清坐到晨鐘發寂寥三  
四星

寄宋子環

聖恩寬逐客不遣過輪臺談笑潼關去雲霞仙掌  
開故鄉深念汝遠道竟能來明日相思處高秋鴻  
雁回

發龍江

解文毅公集 卷五  
龍江候明發戀闕倍思親風急回征鴈舟行別故人望中知里閉夢想聽韶鈞後夜多遙念風生淮水濱

仲氏同我去伯兄還帝城重來應有日此別不勝情一一帆檣去雙雙鷗鷺迎到家無限好桑梓盡經行

拏吒石

巨石水中流巒岈水面浮端然勞砥柱恍若隔瀛洲風雨波濤險魚龍窟宅幽江湖多勝跡來往一凝眸

李楊河

自入李楊河青山兩岸多馬當峰夾險龍渡峽流梭突兀一拳石奔騰萬頃波今朝逢小至擊楫大風歌

小孤山

海門第一關巨石水中間陰雨蛟龍出天晴鸛鵲還一川浮玉笋兩岸見青山亦有摩崖宇蒼苔點點斑

彭澤

青山圍一縣隱隱見人家亂石江邊出孤帆帶日



解文毅公集 卷五 四  
斜翠添官舍柳香泛驛樓花不見陶彭澤湓城起  
暮鴉

廬山

扁舟過彭蠡遠遠見匡山巨石危將墮陰雲去復  
還平鋪三百里高出九霄間久在風塵際覽觀心  
自閒

清江晚眺

清江臨望處一一見鄉山玉筍浮雲去金川夕照  
殘維舟訪舊隱飛鳥倦初還歸到仁山下漁樵日  
日閒

五言排律

贈常熟陳二尹

十載交遊誼應同雷與陳論心徧慰藉談道最清  
真喬木風烟舊哦松歲月新循良振名色易簡悅  
居民百里桑麻盛千門桃李春自慚空白首喜得  
重相親

七言律

武英殿喜雨

春殿微微動好風密雲將雨下長空魚龍變化九  
天濶草木敷榮大地同宮澗夜添三尺水京華日

長萬花叢小臣賸有爲霖志一滴天瓢海宇豐  
宴文華殿時雪方霽宮樹皆如玉石刻鏤上  
命取瑪瑙盤和以蔗漿且啖且賦

萬年枝上雪花寒摘下傳呼瑪瑙盤薇露灑時珠  
的瀝蔗漿凝處玉闌干鵷班左右題詩急鶴駕從  
容帶笑看聞道征西人最苦飛書昨夜到金鑾

隨駕登紫金山賜果

天晴隨駕共登山中使傳宣薦玉盤金谷人遊紅  
步幃石房仙煉紫華丹猩紅浥露珊瑚軟鶴頂迎  
風瑪瑙寒侍從詞臣知此味渴中無惜齒牙酸

隨駕往觀江東橋

江東一帶駕輿梁鰲背金鱗漾水光夷狄稱番來  
貢獻君臣際世共明良雲隨鳳輦三千騎日照龍  
袍十二章萬福攸同寰宇靜一人有慶兆民康

萬壽節恭紀

御氣排空雉扇開金衣照日近臣來綠囊已進千  
秋鑑黼座還稱萬壽杯王子吹簫雙鳳闕羲娥攬  
轡六龍回侍臣此日承恩澤散作祥風遍八垓

早朝

紫禁追趨曙色寒景陽鐘動漏聲殘兩行銀燭通

解文彙公集 卷五  
雙闕一道朝儀引百官星斗遙臨花外落旌旗只  
在仗中看侍臣欲進陽春曲聖主恩深賦轉難  
銀燭熒煌夜色闌西華樓下漏聲殘天門掩映鶯  
花曙黃道澄清淑氣寒香裊玉爐開雉翼燭搖金  
殿見龍顏仙郎奏對封題罷一曲陽春和更難

武英殿應制

瓊階玉殿迥無塵天子臨軒策小臣絳蠟珠簾光  
照曙紫駝銀甕色浮春扶搖九萬飛騰異禮樂三  
千制作新草野書生何以報願隨丹禁捧絲綸

春日早朝

金陵自古帝三闈此際風雲慶會晨鳳閣九重仙  
仗肅鸞花三月錦城新雲開御苑千峰曉氣轉陽  
和萬戶春安得致身青鎖闈願隨冠服侍楓宸

早朝賜宴

君臣千載共明良侍宴楓宸錫寵光烏帽簪花搖  
翠綠金盤薦果間青黃九重天上鳴鈞樂五色雲  
中進玉觴丹陛拜颺酌聖主錦衣猶帶御爐香

退朝即事

紫殿陰陰蔭薜蘿小窓無事客頻過綠槐夾道蟬  
聲集碧蘚沿階鳥迹多待詔金門須倚馬退朝紫

角文翁公集 卷五 七  
禁共鳴珂丹心一片期忠孝爭奈高堂遠別何

呈諸閣老

黃閣編摩屬老成文章落筆鬼神驚幾回青瑣陪  
高宴每有微言起後生細雨乍過西掖樹薰風遙  
聽上林鶯自慚淺薄才無補願竭忠勤答聖明

蒙恩賜歸省恭紀

文樓清曉聽雞人獨立丹墀拜紫宸三著錦衣懷  
往事兩辭金闕覲雙親吾家自信多餘慶聖主何  
私寵近臣霄漢有心惟捧日陽和布德物皆春

思親

一拜嚴親二載餘晨昏定省竟疎違黃金殿上晴  
雲動白玉堂前曉日暉一片丹心留上國幾回歸  
夢遶庭闈朝回討論絲綸閣獨坐黃昏對紫薇

挽郭駙馬

鳳池當日掌絲綸親侍紅雲選玉人華蓋草辭占  
瑞鵲春和賜帶紱龍麟新詩每到蓬萊和高論時  
將古議陳蜚仗竟違成死別東風將淚灑車塵  
前年草草生離日竟是平生死別時屢遣小詩將  
問訊何堪飄泊在天涯歸期只擬同攜手覓句應  
同一解頤幾許月明禁不得滿江春水伴愁思

夜宿道院留題

明月中天雲霧消酒醒涼思逐風飄星河不動秋  
空濶鐘鼓無聲夜寂寥露下遠山應啞鶴水來滄  
海緬生潮仙家俗事無緣到虛負瑤樓品玉簫

贈茅山道士

雨餘重過冶城來巖下松扉只半開繞屋清陰多  
翠竹滿庭春色有紅梅道心盡在琴三疊交誼何  
妨酒一杯明日尋君攜鶴至休嫌踪跡破蒼苔

登中華山

山號中華福地偏一峰晴聳五雲邊削成翠玉三

千丈立自洪荒幾萬年天上有燈潭是幻人間無  
事便為仙閒來最愛東頭閣笑拂烟霞白晝眠

題冲虛觀

遍覽冲虛益曠哉懸崖峭壁起樓臺每逢嘉客巖  
邊過疑有仙真天際來水底儘教龍穩卧松巔時  
遇鶴飛回道入採藥迷歸路洞口雲生掃不開

正月初三祭始祖濮州公族議欲更舊門符  
山林城市尋常屋唐宋詩書第一家者予意  
不可因賦一律呈諸父

九朝靖節扶龍馭十世聯魁到鳳池青史盛傳當

日事新桃莫換古人詩正三日祀叅軍廟七百年  
來顯祖規共喜族人同北阮清明有約莫相違

西行思親

慈闈棄世已經年九十嚴親雪滿顛徒步一身辭  
北闕苦寒萬里到窮邊斗牛注目青霄入葵藿傾  
心白日懸后土皇天應眷念蟻忱先已賦歸田

寄內

一去京華已十秋夢魂常在錦江頭堂前塵土勤  
勤掃架上詩書好好收禾黍熟時煩出納園籬破  
處務培修高堂當奉祀當訓辛苦終為遠大謀

和王駙馬見贈元韻

憶昔金閨忝後塵鶯花窈窕禁園春身隨紅日當  
霄漢筆遶青雲動鬼神秦地山河形勝舊楚天風  
雨客懷新遙憐九十嚴親在黃髮蕭蕭憶遠人

述懷

聞道西羌路坦夷三千里外一娥曦奔忙南北尋  
常事老大悲傷九十稀夜月書闈歸夢遠秋風驛  
路鴈聲遲儒官莫恨文章誤中正和平好俟時

豁如軒

掘井爲山積學功高軒新築日曛曩量包元氣鴻

濛外心與先天太極同洞達八荒歸尺寸瀾翻萬  
卷入陶融東山出慰蒼生望只在君家雅度中

竹溪春曉圖爲劉孟雍題

武陵溪遠桃千樹汴水春深柳萬條何似此君多  
節槩偏宜清隱絕塵囂翠禽啼處烟如織錦籜裁  
來雪未消却笑此生慚六逸相思爲寄白雲謠

題一夢老人卷

高卧蓬萊最上峰希夷獨許往來同三生風月形  
骸外百歲乾坤寤寐中槐樹午涼秋袂薄梨花雲  
暖夜牀空栩栩自滿平生願不管東牕曙色紅

潭溪劉氏秋江亭

空亭屹立俯長流占斷潭溪千古秋一派清商人  
倚檻半篙寒綠客呼舟芙蓉露白江波冷梧竹風  
高枕簟幽車馬紅塵應不到此身何異在瀛洲

琴月軒

月來軒外自相尋人在軒中鼓素琴半榻影斜天  
浸水七絃聲動鴈投林光涵石几秋無際冷逼水  
絃夜正深我憶戴逵慚未識擬乘高興借清音

杏林小隱爲華山英先生賦

小隱當年遠市廛杏花深處轉幽偏一村矮屋疑

角  
五  
卷  
一  
一  
勾漏數畝青山似輞川流水通橋春藥確閒雲將  
雨潤芝田華陀今見孫枝好雅度渾如董奉賢

從父原復新除華容賦一律奉贈

拜命趨朝出紫宸一官初授渥恩新來時共泛西  
江月去日平分上苑春彭蠡望窮懷故國洞庭到  
處是通津華容凋弊勞蘓息莫對雙松岸幘巾

松石軒

手植青松不計年根株峙石翠相連勿嫌落子驚  
幽夢惟愛閒雲伴醉眠半夜風聲寒作雨一林陽  
氣暖生烟晝長與客敲棋局忘却人間俗事緣

翠筠軒

聞說華軒俯碧湍竹林適有晉衣冠光凝翡翠秋  
偏好色漾玻璃夏亦寒留客何妨對棋局濯纓兼  
可把漁竿幾回有意來相訪應與王猷一例看

題劉郎中歸隱竹軒圖

聞說劉郎似謫仙竹軒不減洞中天蛟龍噓氣成  
樓閣島嶼無波列市廛鶴到詩壇通遠信人看棋  
局惜流年卜居自愛三山好贏得烟霞滿目前

除夕寄蕭時徽

曾約同斟守歲杯荒城日聽足音來地偏每取親



解文毅公集 卷五 三  
鄰外客久何堪節序催刻燭有情同賦詠頌椒無  
侶重徘徊前盟獨有寒梅在肯向庭前帶雪開

戲題雞卵

形體難分圓與方却將天地盡包藏欲知內外兩  
重白全在中央一點黃混沌未分先有象乾坤已  
判見低昂養成羽翼冲霄漢化作金烏運太陽

海東青

萬里飛來渡海西靈禽玉爪不沾泥攫身欲抉羣  
鵝隊展翅能追天馬啼萬里縱橫嫌地窄千層衝  
突覺天低何須更結鸞凰友應與雲鵬力量齊

菖蒲

三尺青青古太阿午風池畔蕩晴波長橋有影蛟  
龍懼流水無聲晝夜磨兩葉帶烟生殺氣五更彈  
雨和漁歌愁來只怕西風起消盡鋒鋷恨轉多

送友人還鄉

九月江東白鴈飛京華遊子賦南歸湖天水落郵  
程速澤國霜清浦樹稀為念庭闈勤侍省豈知閭  
里重光輝秋風雙桂堦前好定有天香拂綵衣

送王指揮還京

共在紅雲侍禁闈經年離別思依依愁衝毒霧湘

解文毅公集 卷五 十三  
南去榮捧天書日下歸焦尾素琴重拂拭黃金鎖  
甲舊光輝青春入奏隨冠冕一片丹心對紫微

送劉御史弟子淵還西昌

鵠原分手思悠悠烏府情多不可留歸夢豈因爲  
客久還家足慰倚門愁都城花落春猶在遠岫雲  
寒雨半收逆旅相逢仍送別好傳消息到滄洲

子進惠柑

九月明江日尚遲秋園果熟正離離故人尺素青  
雲下惠我黃柑玉露垂顆暈中央金作粟蒂攢高  
幹翠爲枝常年錫貢來京國尚想金盤進御時

贈劉編修歸娶

少年歸娶奏金鑾喜得天顏一笑看紅錦裁雲朝  
奠鴈紫簫吹月夜乘鸞靈椿堂上承中饋寶鏡臺  
前結合歡從此梅花消息好青綾不似玉堂寒

送友

早辭天祿校書榮又賦三休遂逸情夜近玉堂看  
月色曉趨金闕聽鐘聲紅塵軒蓋今無夢白石岩  
扉舊有盟歸到故園松菊在門前五柳識先生

寄友

章貢河邊送別時揮毫謾爲寫新詩可憐萍梗多

離合自信金蘭有贈貽衮職盡心慚計拙鄉關入  
夢慮歸遲華山秋盡應偏好檢點芳林桂樹枝

送中書舍人唐存恕歸省

與君同出周姬姓同住江西路未遙萬里東歸纔  
識面扁舟南去又乘潮賜榮足慰庭幃念承乏深  
慚禁籞朝心折斷雲無一寸不堪分袂鎮河橋

送侍郎出使

侍郎將命出金鑾中使傳宣左右歡關內官曹迎  
使節漢中父老識衣冠雲開太華三峰曉雨過黃  
河九曲寒寄語渭川千畝竹西風願早報平安

送劉御史按交趾

虬髯白晢繡衣郎驄馬南巡古越裳城郭新開秦  
郡縣山河原是漢金湯天連銅柱蠻烟黑地接珠  
崖海氣黃莫說炎荒水雪少須令六月見飛霜

贈叅政任勉之閩中

饒州棠樹綠初濃又佐閩藩鎮國東海甸帆檣千  
里外蓬萊宮闕五雲中風回畫省榕陰合雨過青  
林荔子紅莫謂內廷官位重古來方岳拜三公

送弟朝夫及第還鄉

東風擢第上瑤京金榜天門列姓名拜命已承丹

詔重還家先着錦衣榮九霄日月瞻龍袞三月鶯  
花出鳳城自是送君鄉思切仁山字水遠含情

送姪禎期還家

慇懃送子出京華文水城東是我家萬里一身依  
舊業五年三載在天涯緘書欲寄青毛鳳衣錦仍  
乘白鼻騮歸到故園耆舊問聖恩留賞上林花

和姚少師廣孝見寄之作

名在三孤第一人烏紗白髮照青春平生詩格劉  
公幹晚歲風流賀季貞袍賜麒麟紅錦麗誥頒鸞  
雀紫泥新身閒燕坐清如水始覺靈臺絕點塵

題臨桂七星巖

早飯行春臨桂東野花榕葉色交紅七星巖曲篝  
燈入百轉峰回覓徑通石溜滴餘成物象古潭深  
處映層穹却歸爲恐衣沾濕洞口雲生似雨濛  
就日門前春水生伏波巖下釣船輕灘江倒影山  
如畫榕樹交柯翠夾城村店日中雞唱午遊人陌  
上酒攜罌殊方異俗同熙皞欲進謳歌合頌聲  
桂水東邊度石橋村民淳樸見漁樵叢祠歌吹迎  
神女野廟蘋蘩祀帝堯附郭有山皆積石仙巖無  
路不通霄日長衣繡觀民俗比戶熙熙荷聖朝

謁周瑜廟

永樂庚寅四月晦日船過周郎祠下與其  
裔孫季良子泉觀將壇因賦二律

巴邱古縣周郎廟從祀甘黃甘寧黃蓋共儼然三國已

興吳社稷二喬同泣漢嬋娟漳河碧草迷宮沼指曹

操銅雀臺皖水青林遶墓田周郎墓在今安慶宿松縣蓋世英雄瑜

與亮東風赤壁憶當年

都督峰高玉峽山都督峰周郎點兵處真君樓下水灣環周

郎遺廟經千載三國聲名振百蠻綠暗邱園春樹

合錦鋪壇墀古苔斑祈靈幾度椒漿奠遙望神靈

未易攀

中秋

天上平分一半秋千巖萬壑月華流蟾宮有客曾

攀桂牛渚何人學泛舟燕賞不須徒酩酊高歌聊

復寄交遊嫦娥肯盡來宵興再遣寒光照九州

天風吹我上南樓為報嫦娥得舊遊寶鏡瑩光開

玉匣桂花沉影入金甌清涵宇宙三千界冷浸山

河百二州醉倚畫樓吹鐵笛一聲驚破九天秋

蒼梧即事

蒼梧城北繫龍洲水接南天日夜流冰井鱷池春

草合火山蛟室夜光浮千家竹屋臨沙嘴萬斛江  
船下石頭伏枕夢回霄漢近珮聲猶在鳳凰樓  
梧州舊治扶桑國虎圈山名記大藩蛋戶舉曾看  
水影舟人移櫂認潮痕蘋婆果熟紅包折荔子花  
開綠萼繁北望九疑雲盡處重華端拱太微垣  
桂嶺東來下惡灘蒼梧細柳綵雲間拍天二水通  
交廣聳日高城跨北山茆屋竹牌依古瀨筒槽漁  
艇滿江灣驛亭笳鼓中宵發又報南天使節還

交趾即事

交趾名藩百雉雄高駢塔在古城東弓刀選士軍

容肅饒角迎風奏節同蠻女艷粧爭粉黛夷人村  
鼓聚兒童可憐新息猶遺廟銅鼓荒涼草棘中

交趾回送安成謝禮獻

幾度扁舟往復還野情只是愛家山衝寒凜冽逾  
西徼觸熱炎蒸出百蠻暫對鴈行傾別酒又隨鷓  
序遙朝班天書定許歸來早洞裏相尋亦解顏

倒壘前韻

驅馳萬里覲天顏夜夢紅雲玉笋班傳道雷霆收  
北虜已將霖雨洗交蠻陳情白日辭深殿解綬黃  
雲返故山洞裏桃花煩致意葉心朱實待人還

解文毅公集 卷五  
北流勾漏洞

北流縣下古銅州平地山巖聳玉樓誰爲丹砂赴  
勾漏洞人傳蝴蝶滿羅浮楊妃井塌風烟古葛令祠  
荒草樹秋却憶故鄉山更好錦袍歸去掉扁舟

過思明府

太子泉頭曙色開仙桃花影覆層臺摩天嶺勢龍  
驤去交趾人從鳥道來蕃族金符猶什襲漢廷銅  
柱久傾頽西風笳鼓連雲起共看山中獵騎回

早春舟發文江時將赴都門

北風吹冷薄寒裘萬里遙憐上國遊雪色迷人明

兩岸江聲入夜到孤舟春歸忽聽雲霄鴈晝卧惟  
聞渚水鷗葵草向陽余素志故園雖好敢淹留

遊閤阜山

閤阜雲兼野水流漫傳先聖昔曾遊豈知漢晉遺  
風遠祇有宋元文字留山勢北來開菡萏關門南  
下壯金牛野翁爲說天書降曾有紅雲捧玉樓

元宵泊豫章

寒雪微消畫舫輕晚來適泊豫章城萬家燈火遙  
看影半夜笙歌自有聲佳節催人驚老大月華照  
客喜分明同遊賴有知心在市酒相傾到二更

江西訪孔宅贈孔氏昆仲

卿家難弟復難兄詩禮相傳厓過庭  
派接魯邦承教雨天開東壁見文星  
八州事業空塵土三孔衣冠尚典型  
沐浴精光今寂寞願從洙泗受遺經

豫章懷古

地入洪都景物稠界分吳楚重千楹  
滕王有閣空芳草孺子無亭但古邱  
西去帆檣皆北向南來江水自東流  
消沉多少英雄客李蔡封侯廣不侯

小孤山

兩巖相夾石爲門萬水東流去若奔  
拔地一峰形

自險擎天獨柱勢尤尊魚龍並躍春  
初暖風雨來時晝易昏想見當年禹  
疏鑿神功萬古至今存

弔李太白

幾度青山訪謫仙思君風格在高天  
自爲采石江頭客無復長安市上眠  
問罪夜郎悲枉屈吟詩宮禁憶便娟  
浣花又有高風在應與先生萬古傳

重陽

幾回客裏度重陽五嶺茲辰望故鄉  
蒼苔肯將歸上國丹砂不爲向炎方  
竹林客散應多暇菊徑花繁尚未荒  
待得明年還上國登高寵錫酒千觴



解文毅公集 卷五  
立春日寄蕭子郁

仙萼七葉報初春氣轉洪鈞雨露新已有香醪試  
生菜却無故友賞芳辰梅花東閣千林雪烏帽青  
山萬里身為問錦官城裏客幾時借馬到江津

五言絕

小兒何所愛

余未言時頗知人教指夢人授五色筆上  
有花如菡萏者當五六歲有作未能書往  
往不復記憶此由從祖淵靜先生戲命賦  
成詩頗傳頌不忍棄置因識於此聰明不

及於前時道德日負於初心益見韓子之  
言為信

小兒何所愛愛此芝蘭室更欲附飛龍上天看紅  
日

人道日在天我道日在心不省雞鳴時泠然鐘磬  
音

小兒何所夢夜夢筆生花花根在何處丹府是吾  
家

聖人有六經天地有日月日月萬古存六經終不  
滅

奉敕題虎顧彪圖

時仁廟未正位東宮讒言朋興因作此諷  
諫

虎為百獸尊誰敢觸其怒惟有父子情一步一回  
顧

贈西平侯沐英

彩鳳有遺雛嗶嗶泣載途神龍親哺育躍馬贊皇  
圖

簡胡學士光大

聖主開東閣羣賢已滿朝早驟孤鳳尾側目望雲

霄

青雲坊下路萬里此分襟俟有傳書鴈相期弋上

林

謫西河

作吏謀全拙從軍事亦非鄉心秋塞鴈盡日向南

飛

題白頭翁圖

倦飛甘白首竹實正穰穰不敢先嘗食留之待鳳

凰

贈寫真劉士榮兼送還鄉

僕也慙瓌偉丹青賴爾傳皇風清薊北有待畫凌烟

春盡故鄉來秋深別我歸宦情同紙薄只是念庭闈

送歐陽永清訓導之官韶州

獻策黃金闕之官嶺外州送君離恨少江水共悠悠

題清沂書隱

清沂河上路芳草東西渡時有讀書聲雲山自朝暮

李仲侃客蜀忘歸作此柬其子

寄語君嚴父烏江錦似花故園如此好安得不歸家

聞鶯

驚覺蘧蘧夢頻聞恰恰啼只疑窓紙外却在柳陰西

題棠雀圖

秋實正離離低徊若有思朝陽鳴鳳起還向上林枝

題胡馬圖

解文齋公集

卷五

三

破衲自風沙兼天壓雪花草間狐兔盡歸去帝王家

鴈

昔與雁同歸今來雁北飛殷勤吩咐鴈來往莫相違

芙蓉

木末有芙蓉宛在水中沚若向春風開無人看桃李

竹

春雨蛟龍變不妨苔蘚侵蒼蒼孤直者空洞本無

心

解文毅公集

解文毅公集卷五終



